

Agentlikning yil yakunlariga bag'ishlangan matbuot anjumani

Joriy yilning 29-yanvar kuni O'zbekiston Milliy matbuot markazida Agentlikning 2015-yildagi ish faoliyati yakunlariga bag'ishlangan matbuot anjumani bo'lib o'tdi.

Mazkur anjumanni Agentlik boshlig'i o'rinbosari Sh.Shovahobov olib borib, jurnalistlarga Agentlikning 2015-yildagi faoliyati davomida amalga oshirilgan ishlar, qo'lga kiritilgan muvaffaqiyatlar, ijobiy ko'rsatkichlar, bugungi kunda avtomobil va daryo transporti sohasida amalga oshirilishi ko'zda tutilayotgan yangi rejalar haqida ma'lumot berdi.

O'zbekiston Respublikasi Prezidentining 2006-yil 9-martdagi "Avtomobil transportida yo'lovchilar tashish sohasidagi tadbirkorlik faoliyatining alohida turlarini amalga oshirishni tartibga solish to'g'risida"gi PQ-303-sonli qarori chiqqunga qadar jismoniy shaxslarni o'z tarkibiga biriktirib faoliyat ko'rsatayotgan yuridik shaxslar soni 314 tani tashkil etgan bo'lsa, 2016-yilning 1-yanvar xolatiga ularning soni 2889 taga yetdi va 9.2 marttaga ortdi, - deydi Agentlik boshlig'i o'rinbosari Sh.Shovahobov. - Agar, avtotransport sohasida litsenziyalashdan 2014-yil mobaynida 31 mlrd. 549 mln. so'mlik davlat boji undirilgan bo'lsa, 2015-yilning hisobot davri yakuni bilan jami 33 mlrd. 887 mln. so'mlik davlat boji undirildi, o'sish qariyb 7.4 foizni tashkil etadi.

Matbuot anjumanida ma'ruzachi, Agentlik tomonidan 2015-yil mobaynida avtomobil va daryo transporti sohasida me'yoriy-huquqiy bazasini shakllantirish borasida rejali ishlar amalga oshirilganligini ta'kidlab o'tdi. Jumladan, Agentlik tomonidan ishlab chiqilgan Vazirlar Mahkamasining 1 ta qarori qabul qilindi, 4 ta me'yoriy hujjat Adliya vazirligida va 3 ta me'yoriy hujjat "O'zstandart" agentligida ro'yxatdan o'tkazilganligini qayt etib, shu bilan birga, O'zbekiston Respublikasining 2 ta (shundan 1 tasi tegishli vazirlik va idoralar bilan kelishib, Vazirlar Mahkamasiga kiritilgan) qonuniga o'zgartirishlar kiritish to'g'risida Qonun loyihalari va Vazirlar Mahkamasining 7 ta (shundan 5 tasi tegishli vazirlik va idoralar bilan kelishib, Vazirlar Mahkamasiga tasdiqlash uchun kiritilgan) qarori loyihalari, Adliya vazirligida ro'yxatdan o'tkazish uchun 1 ta me'yoriy hujjat ishlab chiqilib, tegishli vazirlik va idoralar bilan kelishilmoqda. Bundan tashqari 3 ta me'yoriy hujjat Mehnat va aholini ijtimoiy muhofaza qilish vazirligiga tasdiqlash uchun kiritilganligini aytib o'tdi.

Asosiy ma'ruzadan so'ng, ommaviy axborot vositalari vakillari sohaga doir bir qator savollar bilan ham murojaat qildilar. Jumladan, ular Toshkent -

Samarqand yoʻnalishida yangi va zamonaviy avtobuslarni koʻpaytirish borasida amalga oshirilayotgan ishlar, Fargʻona vodiysi shaharlari va Toshkent shahrini bogʻlovchi yoʻnalishlar borasida amalga oshirilgan ishlar va koʻzda tutilayotgan rejalar, shaharlararo yoʻnalishlarda qatnovchi yengil taksilarni tartibga keltirish borasida amalga oshirilayotgan chora-tadbirlar hamda noqonuniy taksilarning faoliyatiga qachon chek qoʻyilishi mumkinligi noʻgʻrisida qator masalalar bilan qiziqdilar.

Matbuot anjumanida quyidagi raqamlar ham keltirib oʻtildi:

- Yil davomida tashuvchilar tomonidan tijorat asosida foydalanish maqsadida 587 ta yuk avtomobili, 85 ta mikroavtobus va

445 ta (shundan 138 tasi “Damas” rusumli) yengil avtomobillari sotib olinganligi;

- 2015 yil davomida respublika boʻyicha jami 133 ta ochiq tender oʻtkazilgan boʻlib, ularda 1116 ta yoʻlovchi tashish yoʻnalishlari joylashtirildi. Shundan 205 ta shahar ichidagi yoʻnalishlarini joylashtirish boʻyicha 33 ta tender, 799 ta shahar atrofi va 47 ta shaharlararo-viloyatlar ichidagi yoʻnalishlarni joylashtirish boʻyicha 92 ta tender, 65 ta shaharlararo-viloyatlararo yoʻnalishlarni joylashtirish boʻyicha 8 ta tender oʻtkazilganligi;

- 2015 yil davomida tashuvchilar tomonidan Samarqand avtomobil zavodida ishlab chiqarilgan “ISUZU” rusumli avtobuslardan Qashqadaryo viloyatida 78 ta, Toshkent viloyatida 64 ta, Sirdaryoda 59 ta, Samarqandda

47 ta, Buxoroda 35 ta, Xorazmda 27 ta, Qoraqalpogʻiston Respublikasida 21 ta, Surxondaryoda 19 ta, Fargʻonada 18 ta, Toshkent shahri va Andijonda 13 tadan, Jizzaxda 11 ta va Navoiy viloyatida 8 ta jami 413 ta yangi avtobuslar lizing va bank kreditlari asosida sotib olinib, shahar va shahar atrofi yoʻnalishlarida xizmat koʻrsatilishi yoʻlga qoʻyilganligi;

- 2015 yil davomida Agentlik va uning hududiy boʻlimlari tomonidan xoʻjalik yurituvchi subʻektlarga 2785 ta litsenziya va 182190 ta litsenziya varaqalari berilib, 2016 yilning 1 yanvar holatiga litsenziyalangan avtomobillar soni 90024 tani tashkil etganligi.

Anjuman soʻngida Sh.Shovahobov jurnalistlarni sohada amalga oshirilayotgan islohotlar jarayonini aholi oʻrtasida keng targʻib qilish borasida hamkorlik qilishga chaqirdi. Shuningdek, mehmonlar ham xalq manfaati yoʻlidagi bunday hamkorlikka hamisha tayyor ekanliklarini bildirishib, oʻzlarining barcha

savollariga batafsil mutaxassis javobi berilgani uchun o'z minnatdorchiliklarini izhor etdilar.

Matbuot anjumanida respublikamizning yetakchi matbuot nashlari, radio va teledasturlar muxbirlari, Toshkent shahar va viloyat xokimligining barcha yo'lovchilar tashish transporti, litsenziyalash va muvoflashtirish departamentining xodimlari hamda Agentlik faoliyatining turli yo'nalishlari bo'yicha mutaxassislari ishtirok etishdi.